

PETRVS GALESINIVS

LECTORI SALVTEM.



Artyrologij scriptio, & vsus in ecclesia Dei peruetus est. Vix dum enim bellum, omni imbutum odio, cōtra nostros exarlerat; cum eorum, qui pro fidei defensione; proque euangelio dimicationes enixe susceperant, res fortiter, diuinitusque gestæ, in libros, aut in commentarios relatæ sunt quàm diligentissime. Cuius rei argumento præter cætera, quæ multa superioribus litteris enucleate præscripsi, illud etiam est, quod Gregorius Magnus, idemq. Sanctissimus Pontifex, narrat, se omnium penè martyrum, distinctis in singulos dies cruciamētis, & necibus, collecta, in uno codice nomina habuisse: quotidieque in eorum veneratione Missarum solemniam egisse. Immo & ecclesiæ perpetua consuetudine, & patrum institutis, & antiquo canone liber martyrologij in ijs ipsis est, quorum delectus ecclesiastici ordinis hominibus præscribitur. Quæ sanè res cum ita se habeat; ego sanè, quo primùm tempore, sum tanti operis, tamque necessarij scriptionem aggressus, in omnes partes me valde
excitavi,

excitavi, vt illam, pro ingenij mei viribus, recte conficerē:
& confeci tandem, Deo bene iuuante. At sane quale opus
sit, quod præstiterim, pro tua prudentia ipse videbis. Ego
vero libere affirmare possum, me in eo contexendo operā,
diligentiamque posuisse, vt potui, maximam. Sin autem
nec rerum, quæ & graues, & vtilis, non verbis solum, sed
sententijs etiam accurate dilucideque explicari debuerant,
tractatione, neque orationis cultu, tibi fortasse aliquando
videor non assecutus, quod in opere hoc præstari oportuerat:
tuæ tamen Christianæ charitatis est, fauere certè in
primis voluntati meæ: in qua, vel ex hac ipsa scriptione,
facile perspicias magnum inesse desiderium adiuuandæ ec-
clesiæ catholicæ, cuius gloriæ, vtilitati, & amplitudini ser-
uire omnes debemus summo studio, summaque indu-
stria, Vale.

PETRO